

Bosna i Hercegovina  
Federacija Bosne i Hercegovine  
Tuzlanski kanton  
Općina Sapna  
Općinski načelnik

Broj: 02-05-585/12  
Datum: 17.04.2012. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03) i Odluke o uslovima, kriterijima i postupku imenovanja u Upravni odbor JZU Dom zdravlja Sapna ("Službeni glasnik općine Sapna", broj 2/12), Općinski načelnik Općine Sapna, objavljuje

**JAVNI OGLAS**  
**za izbor i imenovanje na poziciju predsjednika upravnog odbora**  
**JZU Dom zdravlja Sapna**

I. Objavljuje se javni oglas za izbor i imenovanje kandidata na poziciju:

- predsjednika upravnog odbora JZU Dom zdravlja Sapna- 1 (jedan) član – predstavnik osnivača

**II. Opis pozicije članova Upravnog odbora**

Upravni odbor upravlja zdravstvenom ustanovom, donosi Statut zdravstvene ustanove, imenuje i razrješava direktora odnosno v.d. direktora zdravstvene ustanove, utvrđuje planove rada i razvoja zdravstvene ustanove, utvrđuje godišnji program rada, donosi finansijski plan i usvaja godišnji obračun, donosi opća akta o unutrašnjem uređenju i sistematizaciji poslova i drugih općih akata u skladu sa zakonom i Statutom zdravstvene ustanove, odlučuje o svim pitanjima obavljanja djelatnosti radi kojih je zdravstvena ustanova osnovana, ako zakonom nije određeno da o određenim pitanjima odlučuje drugi organ zdravstvene ustanove, usmjerava, kontroliše i ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa utvrđenog Statutom zdravstvene ustanove, odgovara osnivaču za rezultate rada zdravstvene ustanove, odlučuje o prigovoru zaposlenika na rješenje kojima je drugi organ, određen Statutom zdravstvene ustanove, odlučio o pravu, obavezi i odgovornosti zaposlenika iz radnog odnosa, podnosi osnivaču najmanje jedanput godišnje izvještaje o poslovanju zdravstvene ustanove, obavlja i druge poslove u skladu sa zakonom i Statutom zdravstvene ustanove.

**III. Mandat i naknada za rad**

Predsjednik i članovi Upravnog odbora imenuje se na period od 4 (četiri) godine uz mogućnost ponovnog imenovanja u skladu sa Zakonom.

Konačno imenovana lica imaju pravo na naknadu u skladu sa Odlukom Općinskog vijeća Sapna i ista će se isplaćivati iz sredstava ustanove.

**IV. Kandidati trebaju ispunjavati slijedeće uslove:**

**A/ Opći uslovi:**

- da su državljani Bosne i Hercegovine;
- da su stariji od 18 godina;
- da nisu otpušteni iz državne službe kao rezultat disciplinske mjere na bilo kojem nivou vlasti u BiH u periodu od tri godine prije dana objavljivanja javnog oglasa;
- da se protiv njih ne vodi krivični postupak, odnosno da nisu osuđivani za krivično djelo ili privredni prijestup za djela koja su smetnja za imenovanje na upražnjenu poziciju, u roku od pet godina od dana izdržane, izvršene ili zastarjele kazne;

- da nisu pod optužnicom Međunarodnog suda za ratne zločine u bivšoj Jugoslaviji (član IX.1 Ustava Bosne i Hercegovine);
- da nije na funkciji u političkoj stranci u smislu člana 5. Zakona;
- da nisu izabrani zvaničnici, nosioci izvršnih funkcija ili savjetnici u smislu Zakona u sukobu interesa u institucijama vlasti;
- da nemaju privatni finansijski interes u instituciji u koju se kandiduju;
- da nisu članovi više od jednog upravnog odbora ili nadzornog odbora;
- da nisu lica kojima je pravosnažnom presudom suda zabranjeno obavljanje aktivnosti na poziciji na koju se kandiduju.

## **B/ Posebni uslovi**

Pored općih uslova kandidati treba da ispunjavaju i posebne uslove:

- da imaju najmanje završen VII stepen stručne spreme, ekonomskog, pravnog, zdravstvenog i drugih usmjerenja;
- da imaju najmanje tri (3) godine radnog iskustva na poslovima svog stručnog naziva;
- da imaju stručno znanje iz djelatnosti zdravstvene ustanove, te da su upućeni u sadržaj i način njenog rada.
- da imaju sposobnost upravljanja finansijskim sredstvima i ljudskim resursima, kao i sklonost timskom radu.

## **V. Za sve kandidate koji u potpunosti ispunjavaju opće i posebne uslove, u postupku sačinjavanja konačne rang-liste uzet će se u obzir slijedeći kriteriji:**

- struka,
- radno iskustvo,
- znanje pokazano na intervju,

Vrednovanje kriterija izvršit će Komisija za izbor u skladu sa članom 11. Odluke o uslovima i kriterijima i postupku imenovanja u Upravni odbor JZU Dom zdravlja Sapna.

## **VI. Potrebni dokumenti**

Uz prijavu na javni oglas kandidati su dužni priložiti:

1. kraću biografiju, adresu i kontakt telefon,
2. uvjerenje o državljanstvu (ne starije od 6 mjeseci) ili kopiju CIPS obrasca,
3. izvod iz matične knjige rođenih (ne starije od 6 mjeseci),
4. ovjerenu kopiju diplome,
5. uvjerenje o radnom iskustvu,
6. uvjerenje da nije osuđivan za krivično djelo i privredni prestup nespojiv sa dužnošću u reguliranom organu za koji se kandiduje (akt izdat od strane suda)
7. dokaz da presudom suda nije zabranjeno obavljanje aktivnosti u reguliranom organu za koji se kandiduje (akt izdat od strane suda)
8. izjava kandidata potpisana i ovjerena od strane nadležnog organa o ispunjavanju uslova iz tačke IV.A. alineja 3, 5, 6, 7, 8 i 9.

Kandidati koji uđu u užu izbor bit će pozvani na intervju radi utvrđivanja stepena znanja i sposobnosti kandidata za obavljanje poslova upravljanja zdravstvenom ustanovom. Broj pitanja koja se postavljaju na intervjuu utvrđuje Komisija za izbor. Prilikom intervju svaki kandidat koji je ušao u užu izbor dužan je iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Prije intervju komisija može tražiti podatke od neposrednih ranijih rukovodilaca i preporuke o kandidatima.

Nakon intervju Komisija za izbor će putem pismene preporuke predložiti Općinskom načelniku rang-listu sa rezultatima za imenovanje kandidata u upravni odbor.

Konačna imenovanja predsjednika i članova Upravnog odbora JZU Dom zdravlja vrši Općinsko vijeće na prijedlog Općinskog načelnika i isto će se objaviti u „Službenim novinama FBiH“.

Bilo koji kandidat ili član javnosti, može podnijeti prigovor na konačno imenovanje, ako vjeruje da u procesu imenovanja nisu ispoštovani principi utvrđeni Zakonom o ministarskim, vladinim i drugim imenovanjima u FBiH, a kopija prigovora se dostavlja Ombudsmenu za ljudska prava .

Prigovor na konačna imenovanja se podnosi Općinskom vijeću Sapna.

Javni oglas ostaje ostvoren 15 od dana objavljivanja u „Službenim novina Federacije BiH“, dnevnom listu „Oslobođenje“ i Oglasnoj tabli Općine Sapna.

Rok za podnošenje prijava računa se prema datumu objave oglasa u glasilu koje zadnje objavi ovaj oglas.

Prijave sa svim traženim dokumentima dostaviti lično ili preporučeno poštom na adresu: Općina Sapna ul . 206.

Viteške brigade bb 75 411 Sapna - Komisiji za izbor Upravnog odbora JZU Dom zdravlja Sapna, sa naznakom „prijava na javni oglas“ – NE OTVARAJ.

Neblagovremeno i nepotpune prijave neće se uzeti u razmatranje.

Podnosioci prijava s kojima se ne stupi u kontakt u roku od 8 dana od isteka roka za podnošenje prijava neće biti uzeti u razmatranje u daljnjem postupku imenovanja.

**Općinski načelnik**

**Ismet Omerović, dipl.ing.maš.**